

ӘДІЛДІК ПЕН АШЫҚТЫҚ — ЖЕМҚОРЛЫҚСЫЗ ҚОҒАМНЫҢ НЕГІЗІ



Еліміз Тәуелсіздік алғаннан бергі даму стратегиясының негізгі бағыттарының бірі — сыбайлас жемқорлыққа қарсы күрес және ашық қоғам құру. Сыбайлас жемқорлық — мемлекеттік басқару жүйесінің тиімділігіне, азаматтардың құқықтары мен еркіндіктерінің қорғалуына кедергі келтіретін аса қауіпті құбылыс. Сондықтан әділдік пен ашықтық қағидаттарын ұстану — жемқорлықты жоюдың және тұрақты дамудың негізі.

Сыбайлас жемқорлық тек мемлекеттің қаржылық ресурстарына ғана зиян тигізіп қоймай, халықтың мемлекеттік органдарға деген сеніміне де кері әсер етеді. Бұл құбылыс экономикалық тұрақсыздықты тудырып, әлеуметтік теңсіздікті тереңдетеді. Мемлекет басшысы Қасым-Жомарт Тоқаев Жолдауында сыбайлас жемқорлықпен күрес жүргізу баршаның міндеті екенін атап өтті.

Хромтау ауданында бұл бағытта жүйелі жұмыстар атқарылып жатыр. Мемлекеттік органдардың ашықтығын қамтамасыз ету, азаматтардың өтініштерін уақытылы әрі сапалы қарау және мемлекеттік қызмет көрсету саласын цифрландыру — жемқорлық тәуекелдерін азайтуға бағытталған негізгі шаралар.

Сыбайлас жемқорлыққа қарсы күреске бағытталған мемлекеттік саясат заңнамалық тұрғыда берік негізделген. 2015 жылы қабылданған «Сыбайлас жемқорлыққа қарсы іс-қимыл туралы» Заң мемлекеттік қызметтің ашықтығын қамтамасыз етуге және сыбайлас жемқорлыққа бейім салалардағы тәуекелдерді азайтуға бағытталған. Сонымен қатар Қазақстан Республикасының 2022-2026 жылдарға арналған Сыбайлас жемқорлыққа қарсы стратегиясы мемлекеттің тұрақты дамуына негізделген шараларды қамтиды. Хромтау ауданы әкімдігі осы стратегияны іске асыру шеңберінде мынадай маңызды қадамдарды жүзеге асырып жатыр:

- Қоғамдық бақылау тетіктерін нығайту. Мемлекеттік қызметтерді көрсету барысында ашықтық пен жариялылық қамтамасыз етіліп, тұрғындардың барлық өтініші заңнамаға сәйкес уақытылы қарау.
- Цифрлық трансформация. Мемлекеттік қызметтерді автоматтандыру арқылы адам факторын азайтып, жемқорлық тәуекелдерін төмендету.
- Халықпен кері байланыс жүйесін жетілдіру. Әлеуметтік желілер, қоғамдық қабылдаулар және халықпен тікелей кездесулер арқылы тұрғындардың мәселелері тыңдалып, жедел шешімдер қабылдау.

Аудан әкімдігінің сайтында тоқсан сайын бюджет қаражатын жоспарлау және игеру жөнінде ақпараттар жаңартылып, орналастырылып отырады.

Ағымдағы жылы аудан бойынша сыбайлас жемқорлықтың алдын алу және сыбайлас жемқорлыққа қарсы мәдениетті қалыптастыру жөніндегі қызметтер бойынша «ЖАС КЕН» қоғамдық қорымен жалпы сомасы 803 571, 43 теңгеге келісімшарт жасалды. Мемлекеттік тапсырыс аясында «Халық заңгері» жобасы шеңберінде аудан халқы үшін заң кеңесін ұйымдастыру, үкіметтік емес ұйымдар мен БАҚ өкілдеріне қоғамдық бақылау мәселелері бойынша сарапта-


малық семинар өткізу жоспарланған. Сыбайлас жемқорлыққа қарсы мәдениетті арттыруға бағытталған бейне және аудиороликтер әзірленіп, әлеуметтік желілерде жарияланды. Сыбайлас жемқорлыққа қарсы мазмұндағы билбордтарды Хромтау қаласы, Көктау және Дөң ауылында орнатты. (3 дана), Сонымен қатар 100 дана үлестірме материал дайындалды. Аудан әкімдігі мен мүдделі мемлекеттік мекемелердің әлеуметтік желілері мен Хромтау қаласының орталығында орналасқан LED экранда 27 бейнесюжет көрсетіліп, қала тұрғындары арасында заңға бағынушылық мінез-құлқыты насихаттау мақсатында буклеттер мен жадынамалар таратылады. Биыл осы бағыттағы жұмыстар жалғасын тапты.

Жергілікті «Хромтау» газетінде бытыр 12 тақырыптық мақала жарық көрсе, биыл бұл бағытта 4 мақала оқырмандар назарына ұсынылды.

Аудан әкімдігі ғимаратында «Азаматтарды қабылдау орталығы» қызметі жолға қойылған. Бюджет қаражатының игерілуінде ашықтықты қамтамасыз ету мақсатында барлық мемлекеттік мекеме қаражаты «Ашық бюджет», жергілікті әкімдік сайттарында жарияланып, әр ай сайын қаражат қозғалысы көрсетіліп отырады. Жүргізіліп жатқан жұмыстар нәтижесінде биыл сыбайлас жемқорлық жағдайлары тіркелген жоқ. Әділдік пен заңдылық — мемлекеттік басқарудың барлық деңгейлерінде басшылыққа алынуға тиіс басты қағидат. Хромтау ауданы әкімдігі әділдікті қамтамасыз ету арқылы тұрғындардың сенімін арттыруға және олардың қоғамдық өмірге белсенді қатысуына жағдай жасауды мақсат етеді. Аудан тұрғындары арасында жемқорлыққа қарсы мәдениетті қалыптастыру мақсатында үгіт-насихат жұмыстары жүйелі түрде жүргізіледі.

Мемлекеттік қызметшілердің де әдеби мен жауапкершілігі — қоғамдағы сенімді арттырудың маңызды факторы. Мемлекеттік қызметкердің негізгі ұстанымы — адалдық, әділдік және заңға бағынушылық болуы қажет. Осы қағидаттарды ұстану мемлекеттік аппараттың беделін нығайтып, қоғамда оң көзқарас қалыптастырады деген ойдамын. Жемқорлықпен күрес — бұл мемлекеттік органдардың ғана емес, қоғамның барлық саласының ортақ міндеті. Хромтау ауданының тұрғындарын әділдік пен адалдық қағидаттарын ұстануға, қоғамдағы кездескен жемқорлық әрекеттерге төзбеушілік танытуға шақырамын. Біз тек бірлесе әрекет еткенде ғана сыбайлас жемқорлықтан ада, ашық және әділетті қоғам құра аламыз.

Нұрхан ТІЛЕУМҰРАТОВ,
Хромтау ауданының әкімі.



МЕМЛЕКЕТТІК ҚЫЗМЕТШІЛЕР ҚҰҚЫҚТАРЫНЫҢ ҚОРҒАЛУЫ

Мемлекетті өркендету, дамыту бағытындағы ең жауапты іс — мемлекеттік қызметшілерге жүктелетіні мәлім. Мемлекеттік қызметшіге неғұрлым осындай жоғары талап қойылса, оның құқықтарының қорғалуы және әлеуметтік кепілдіктерінің сақталуы да тиісті деңгейде болуы шарт. Сондықтан мемлекеттік қызмет саласындағы маңызды принциптердің бірі — ол мемлекеттік қызметшінің құқықтық және әлеуметтік қорғалуы.

Бұл ретте, Мемлекеттік қызмет істері агенттігі мен оның аумақтық бөлімшелерінің қызметінің басым бағыттарының біріне мемлекеттік қызметшілердің құқықтарын қорғау жатады.

Осы бағытта жүзеге асыру барысында Қазақстан Республикасы Мемлекеттік қызмет істері агенттігінің Ақтөбе облысы бойынша Департаментімен осы жылдың басынан мемлекеттік қызмет саласындағы бақылау бағыттары бойынша бірқатар талдаулар жүргізілді. Оның бірі мемлекеттік қызметшілерге еңбек демалысын беру мен іссапар шығындарын төлеу

мәселелеріне жүргізілген талдау нәтижесінде өңірдегі мемлекеттік органдардың 90 мемлекеттік қызметшісінің құқықтары бұзылғаны анықталды.

Дәлірек айтқанда, мемлекеттік органдар тарапынан мемлекеттік қызметшілерге іссапар шығындары заңнамада белгіленген мөлшерге сәйкес толық төленбеген. Сонымен қатар мемлекеттік қызметшілерге алдын ала жоспарланбаған іссапарға шыққан жағдайда қаржының бөлінбеуіне байланысты іссапар шығындары мүлдем төленбегендігі анықталды. Талдау нәтижесінде анықталған атал-

мыш кемшіліктер Ақтөбе облысындағы әдеп жөніндегі кеңесте қаралып, 90 мемлекеттік қызметшінің құқықтары қалпына келтірілді.

Сонымен қатар Департаментпен жұмыс уақыты режимінің сақталуына қатысты жүргізілген талдау нәтижесінде де 117 мемлекеттік қызметшіге үстеме жұмыстар атқарғаны үшін тынығу сағаттары берілу арқылы құқықтары қорғалды.

Сондай-ақ, мемлекеттік қызметшілердің құқықтарын қорғаудың басқа да құралы оларға икемді жұмыс кестесін және қашықтықтан жұмыс жасау мүмкіндіктерін қолдану болып табылады. Атап айтқанда, бұл жұмыс берушінің келісімі бойынша қызметкерге жұмыс күнінің басқа тәртібі белгіленуі мүмкін. Мысалы мемлекеттік қызметші баласын таңертең немесе кешке балабақшадан алып кету үшін аталған режимді белгілеу туралы өтінішпен жүгінуге құқылы. Мұндай мүмкіндікті 2024 жылдың басынан бастап 21 мемлекеттік органның 52 мемлекеттік қызметшісі пайдалануда.

Өз кезегінде, аталған бағыттағы жұмыстарды нәтижелі жүзеге асыру айрықша маңызды, өйткені олар мемлекеттік қызметшілер арасында заң үстемдігі, әділеттілік үстемдігі қағидатын бітіуге және мемлекеттік қызметке сенімін нығайтуға мүмкіндік береді.

Қорытындылай айтқанда мемлекеттік қызметшілердің еңбекті, денсаулықты қорғауға, қауіпсіз және тиімді жұмыс істеу үшін қажетті еңбек жағдайларына, сондай-ақ әлеуметтік және құқықтық қорғау құқығы бар. Департамент тарапынан мемлекеттік қызмет саласындағы бақылау бағыты бойынша бірқатар талдаулар осы мақсатта да жүйелі жүргізіліп отырады.

А.Шілманов,
Қазақстан Республикасы Мемлекеттік қызмет істері агенттігінің Ақтөбе облысы бойынша департаментінің басшысы,
Әдеп жөніндегі кеңес төрағасы

МЕРИТОКРАТИЯ — ӘДІЛДІК ПЕН СЕНІМНІҢ ТІРЕГІ

Әлихан Бөкейхановтың «Халыққа қызмет ету білімнен емес, мінезден» деген сөзі уақыт өткен сайын өзектілігін арттыра түсуде. Мемлекеттік қызмет — тек кәсіби білімді ғана емес, мінездің беріктігін, адалдықты пен жауапкершілікті талап ететін ерекше сала. Әділдікке сүйенген меритократия жүйесі осы қасиеттерді бағалай отырып, нағыз еңбекті таразылайтын әділ жүйе болып саналады.

Меритократия — жеке бастың жетістігі мен кәсіби біліктілігін тану ғана емес, қоғамға деген адал қызметтің көрсеткіші. Бұл жүйе мемлекет пен халық арасындағы алтын көпір іспетті: еңбегі еленген азаматтар ел сенімін ақтауға тырысады.

Мен Хромтау аудандық ішкі саясат бөлімінің басшысы лауазымына меритократия қағидасымен тағайындалдым.

Бұл — мен үшін үлкен жауапкершілік пен сенім мандаты. Әр азаматтың үніне құлақ асып, ел мүддесін бәрінен биік қоя отырып, қоғам игілігіне қызмет ету — басты міндетім.

Ішкі саясат — қоғамның тұрақтылығын қамтамасыз ететін маңызды саланың бірі. Бұл бағыттың өзегі — халықтың пікірін тыңдап, әлеуметтік сұраныстар-



ды жүзеге асыру. Әділ шешім қабылдау, ашықтықты қамтамасыз ету және сенімді ақтау — менің жұмысымның негізгі ұстанымдары.

Әрбір игі іс — қоғамның сеніміне апарар жол. Сондықтан меритократияның әділдік тұғырын берік ұстап, елге адал қызмет ете беремін!

Нүргүл Сейітқали,
Хромтау аудандық ішкі саясат бөлімінің басшысы

ТАРИХИ МЕРЕКЕДЕГІ ТАҒЫЛЫМДЫ КЕЗДЕСУ

16 желтоқсан — Қазақстан Республикасының Тәуелсіздігі күніне орай аудан жастарына патриоттық тәрбие беру мақсатында оқиға куәгерлерімен тағылымды кездесу өтті.



Аудандық жастар ресурстық орталығының ұйымдастыруымен «Қуанышым, Қасіретім, Мақтанышым» атты кездесуге ардагер ұстаз Ұшқын Өбілмәлікова, ардагер Жомарт Уснадінов, аудандық ішкі саясат бөлімінің басшысы, аудандық мәслихат депутаттары және «Қазақ тілі» ҚБ төрағасы қатысты.

Тағылымды кездесуде 1986 жылғы Желтоқсан оқиғасының куәгерлері ерлікке толы естеліктерімен бөлісіп, сол бір қиын да қасиетті күндердің рухын жастарға жеткізді. Ал, аудандық тарихи-өлкетану музейінің директоры Нүргүл Аманғалиева:

— Біз тарихымыздан ойып орын алатын Желтоқсанды ұмытпауымыз керек. Азаттық пен Еркіндікке деген сол кездегі қазақ жастарының мұздай қару-

ланған жасаққа жалаң қолмен қасқайып қарсы тұруы нағыз ерлік пен батылдықтың көрінісі. Қанша боздақтың қанымен келген Тәуелсіздік біз үшін құнды нәрселері. Сондықтан келер ұрпақ Желтоқсан оқиғасының тарихи маңызын терең түсініп, Тәуелсіздік үшін күрестің асқақ мұратын анық білуі керек, — деп, аудан жастарын өз елінің патриоты болуға шақырды.

Кездесуге қатысып, тағылымды әңгіме тыңдаған жастар өз кезегінде көкейкесті сауалдарын қойып, қонақтардың өзінен жауап алды.

Шара соңында аудандық жастар ресурстық орталығының басшысы Қарлығаш Әмірзақова «Желтоқсан — халқымыздың қасіреті мен мақтанышы, ал сол еліміздің тарихындағы маңызды күнді ұмытпау — бүгінгі ұрпақтың қасиетті борышы» екенін жастардың есіне салып, оларды адалдық пен ауызбіршілікке үндеді.

Ақбаян ҚОЖАБЕКОВА



Мақсатқа жетелеген Жігер

Хромтаулық жас кәсіпкер Сырым Дүзжасар студент кезінен бизнеспен айналысқан. Әке жолын жалғап, отбасылық кәсіпті дөңгелетіп отырған ол кәсіпкерлерге мемлекет тарапынан беріліп жатқан қолдауға дән риза.

Кершілес Әйтеке бөлімшесінің Талдық ауылында дүниеге келген сырымның отбасы 1998 жылы Хромтау қаласына қоныс аударады. Қаладағы №5 Хромтау гимназиясының түлегі арман қуып Алма-

болдым. Осындай іс-шаралардың біз сияқты енді аяққа тұрып келе жатқан кәсіпкерлерге пайдасы орасан зор. Мемлекет бізге құжаттама, сертификат алу жағынан көмектесіп келеді. Қазір серти-



ты шаһарына аттанады. Қаныш Сәтбаев атындағы Қазақ ұлттық техникалық университетін 2018 жылы тәмамдап, өскен ортасы — Хромтауға келіп, Дөң тау-кен байыту комбинатына жұмысқа орналасады. Қазіргі таңда комбинатта шебер лауазымына дейін көтерілген оның біліктілігімен айналасы санасатындай жағдайға жетті. Сырым жұмыспен қатар кәсіпкерлікке де бет бұрды. Бүгінде әке жолымен отбасылық кәсіпті дамытып жүрген ол мемлекет шарапатын да сезінді.

Ет сатуды отбасылық бизнеске айналдырған Сырым Панаулы кәсібін кеңейтіп, дамыту үшін мемлекеттен қолдау тапты.

— Отбасылық кәсіпке ден қойып, 2022 жылы ет дүкенін аштым. Содан бастап етті өңдеуге көңіл

фиқаттардың маңызы зор. Өнімге сұраныс өскен сайын, үлкен компаниялар тиісті сертификаттар мен құжаттарды сұрайды. Сол жағынан жергілікті атқарушы билік пен «Атамекен» кәсіпкерлер палатасының аудандық филиалы бірлесіп көмек көрсетіп жатыр. Мемлекеттің қолдауы анық сезіледі, — дейді жас кәсіпкер.

Жас та болса жеті адамды тұрақты жұмыспен қамтып отырған Сырым Панаулы кәсіпкерлік саласындағы қиындықтарға да тоқталды.

— Кәсіп ашу — бала кезден арманым. Алматыда оқып жүрген шағымда шағын кәсіппен шұғылдана бастадым. Кеңсе заттары мен киім саттым. Жиналған ақшамды бизнес тренінгтер оқуға жұмсадым. Соның арқасында бизнес кеңесші Марғұлан



бөліп, жартылай өңделген ет өнімдерін өндіруді қолға алдым. Жақында «Өркен» бағдарламасымен 3 пайыздық жеңілдетілген несие алып, шұжық цехын аштым. Одан бөлек қазір нарықта кең сұранысқа ие — тұрмыстық химия мен автохимияға қызығушылық танытып, осы салаларды игеру үшін жұмыс жасап жатқан жайым бар. Біз автохимия саласында көлікті жууға арналған көпіртікші, автокөліктер үшін тасол мен антифрис өндірсек, ал тұрмыстық химия саласында кір сабын, сұйық сабын өндіреміз, — дейді Сырым.

Алға қойған мақсаты айқын жас кәсіпкер болашақта кәсібін кеңейтуді ойлайды. «Бір ғана дүкенмен шектелмей, ет өнімдерін екі-үш дүкен ашуды жоспарлап жүрмін. Алдағы мақсат — өнімдімді облыс деңгейінде сату. Сонымен қатар, тұрмыстық және авто химия саласындағы өндірісіміз де жүйелі жолға қойылып келеді. Жақында автохимия өндірісі бойынша Дөң тау-кен байыту комбинатымен келісімшартқа отырдық. Өнімдімізді алдағы уақытта комбинатқа жеткіземіз. Жалпы нарықта автохимия өндірісіне сұраныс жоғары. Жергілікті өндіріс орындарынан бөлек, облыстағы үлкен автобазарлардан да сұраныс бар, — деген кәсіпкер бұл істе оған аймақтық «Өркен» бағдарламасының қолдауы ерекше ықпал еткенін айтып отыр. Себебі ол кәсіп бастау үшін аталған бағдарламаға қатысып, жылдық үстемәкшысы 3 пайыз жеңілдікпен 14 млн теңге несие қаражатына қол жеткізген.

Кәсіпкерлікті жан-жақты қолдау — мемлекет саясатының ажырамас бөлігі. Оны өсіресе, Сырым сияқты жас кәсіпкерлер шынымен сезінеді.

— Жақында ауданымызда кәсіпкерлік саласы бойынша үлкен семинар өтті. Мен де қатысып, өнімдерімді көрсетіп, таныстыру мүмкіндігіне ие



Сейсенбаевпен кездесіп, теңдер саласында өзімді дамытуға күш салдым. Осылайша студент кезімде миллион тауып бастадым. Содан кейін өзімнің жеке кәсібімді ашқым келді. Ет саласын таңдауымның да өзіндік себебі бар. Бұл — біріншіден ата кәсіп, әрі біздің отбасылық бизнесіміз. Әкемнің осы салада 30 жылдан астам тәжірибесі бар. Сондықтан әкемнің ізін қуып, ет өндірісін қолға алдым. Ең бастысы — жаным жақын кәсіп, — дейді кәсіпкер Сырым Дүзжасар.

Бүгінде Сырым басқаратын жартылай дайын өнімдер цехында шұжықтар шығарылып жатыр. «Шұжықтарға сұраныс жоғары. Қазақстан бойынша сұраныстар көп келіп жатыр. Өлеуметтік желілердің де мүмкіндігін еркін пайдаланып, Тик-ток, инстаграм арқылы сауда жүргізіп, өнімдерімізді Астана, Алматы, Атырау сияқты үлкен қалаларда саудаға шығарып жүрміз. Өрине бизнеспен айналысқасын міндетті түрде сүрінесің, қателіктерден сабақ аласың. Соны келесіде қайталамау үшін жігерленіп, алға қарай екі қадам басуға тырысасың. Сүрінген кездерім көп болды. Мәселен, теңдер саласында мұндай жағдай көп кездесті. Басқа жерден тауарлар әкеліп, құжаттарды дұрыс меңгермегендіктен, қадағалап, оқымағаннан шығынға қалған жағдайымыз болды. Дұрыс тауар апармай, техникалық ерекшелігі келмей қалып, біраз миллиондардың күйіп кеткен кездері де болды. Оның бәрі бізге сабақ болды. Оқып, ізденіп, құжаттар жағын, қаржылық сауаттылықты үйрендік. Қазір кәсіпкерлік саласында елге қызмет етіп жатырмыз, — дейді кейіпкеріміз Сырым Дүзжасар.

Ауданда Сырым сияқты көпке үлгі болатын жастардың қатары көп. Кәсіппен қатар өзі қалаған мамандығын қатар алып, еңбек етіп жүрген жас кәсіпкердің замандастарына айтар кеңесі де бар.



— Ең бірінші — білім алу керек. Қандай саланы таңдасаң да білім керек. Жақсы көретін іспен айналысу — нәтижеге бастайды. Қара жұмыс болсын, кәсіп болсын, ең бастысы — жаның қалаған іспен айналысу — адамды жігірлендіріп, жетістіктерге жетелейді, — дейді ол.

Ақбаян ҚОЖАБЕКОВА.

ЖІГЕРЛІ ЖАСТАР — ЕЛ ҚАЗЫНАСЫ

Кеңшілік Битанов — Тәуелсіздіктің төл құрдасы. Хромтау қаласы әкімдігінде еңбек етіп жүрген ол тәуелсіздіктің құрдасы болғанын үлкен мәртебе әрі зор мақтаныш санайды. Бүгінде мемлекеттік іске араласып, халыққа қызмет етіп жүрген кейіпкерімізді сөзге тартқан едік.



— Ес білгелі тәуелсіздік құрдасы екенімді және соған сай болу қажеттілігінің жауапкершілігін сезініп келемін. Өмірімнің барлық кезеңінде жеткен жетістіктерімді саралай келе мен де елімнен бірге алға нық қадам басып келе жатқаныма сөзсіз қуанамын, — дейді Кеңшілік.

Ол Хромтау Новоресей ауданы болған шақта Қарабаз ауылында кәпбалалы отбасында дүниеге келген. Кейін оның отбасы Хромтау қаласына қоныс аударады. Осы тұста Кеңшіліктің жаңа өмірі басталғандай болады.

— Шағын болса да, қаланың аты қала. Көпқабатты биік үйлер мені де биік ойларға жетеледі. Білім нәрін алған №5 Хромтау гимназиясында оқып жүргенде-ақ менің ойымда «халқыма қызмет етемін» деген мақсат болды. Алғашында заңгер болуды армандағаныммен, кейін мемлекеттік қызметкер ретінде өзімді көргім келді, — дейді кейіпкеріміз.

Кеңшілер қаласына көшіп келгеннен кейін ата-анасының ұйғаруымен кенші мамандығына дайындалған кезеңдерін еске алған Кеңшілік өз арманынан бас тартпай, Ақтөбедегі Батыс Қазақстан гуманитарлық заң колледжінің құқықтану мамандығын таңдап, оқуға қабылданады.

— Тәуелсіздік жылдарында заң жүйесі ғылыми деңгейде зерттеуді қажет ететін сала болды. Мен де өз құқығымды жетік білу үшін түрлі заң институттарының қағидаларымен терең таныса бастадым, — деген Кеңшілік бүгінде сол тынымсыз еңбегінің нәтижесінде мемлекеттік қызметте абыройлы еңбек етіп жатыр.

Қазақ-орыс халықаралық университетінің түлегі Ақтау қаласында Отан алдындағы борышын өтейді. Кеңшілік еңбек жолын Хромтау аудандық халыққа қызмет көрсету орталығының маманы болып бастады. Халыққа жеке бастық құжатын рәсімдеуде көп тәжірибе жинап, біліктілігімен көзге түскен кейіпкеріміз алдымен, бас маман, басшы орынбасары, кейін аталған мекеме басшысы болады. Қызмет атқарған жылдары түрлі қиын мәселелермен бетпе-бет келген кездер де көп еді. — Құжат — заңды түрде растайтын күші бар құнды қағаз. Алайда сол құжатқа ұқыпсыздық танытқан бір тұрғынның мәселесі қатты есімде қалды. Сонау кеңес дәуірінде алған төлқұжатын жаңартпаған азамат мұрагерлік жолмен мүлік рәсімдеуге келгенде біраз қиналғанымыз бар. Себебі, мұрағат арқылы барлық ақпараттың растығын дәлелдеп, жаңа төлқұжат рәсімдегеннен соң ғана өзінің мұрагерлік мүлкін иеленді. Дәл осындай жағдайлар бірнеше рет қайталанды. — деген кейіпкеріміз бұл тұрғыда тұрғындарға ақпараттық түсіндіру жұмыстарымен де жиі айналысқандарын атап өтті.

Аудан әкімі аппаратының инспекторы болған сәтте жауапкершілік арта түскенін айтқан Кеңшілік бұл қызметте заңнамалармен жан-жақты жұмыс істеуге тура келгенін айтады.

— Әкімдікте заңнамалық актілермен жұмыс істеу бастапқыда қиындық туғызды. Көзге көрінбейтін жұмыс болып көрінгенімен, маңызы жоғары қызметте де барынша кәсіби біліктілігімізді көрсетіп, белгілі жетістікке жетуге тырыстым, — дейді қала әкімінің орынбасары лауазымында қызмет етіп жүрген Кеңшілік Битанов.

Жүгі ауыр жұмыс болса да халықтың шынайы ықыласына бөленіп жүрген ол өзіне артылған сенім мен жүктелген міндетті жауапкершілікпен атқаруға тырысады.

— Расымен, тәуелсіздіктен қатар еркіндік ұғымы да жылдан-жылға кең етек жайып келеді. Мәселен, өзін қызмет ететін салада халықпен ашық диалог құрудың арқасында тұрғындар тарапынан оларын еркін жеткізушілер — қоғамда еркіндікті сезінгендер деп ойлаймын. Тәуелсіздіктің де басты құдіреті осында секілді, — деп кейіпкеріміз өз ойымен бөлісті.

«Ел болашағы жалынды жастардың қолында» деп алдыңғы буының айтатын сенімді ойы Кеңшілік сияқты жігерлі жандарға бағыттап айтыла керек. Кез келген салада іскер, қабілетті әрі еңбекқор азаматтар барда, елдің бүгінгі мен болашағына да сенім мол.

Алмат ЗЕЙНОЛЛА

